

- i mišljenjem i predloženim načinom i rokovima za otklanjanje uočenih nepravilnosti.
- (2) Izvještaj o nadgledanju dostavlja se imaocu dozvole kod koga je nadgledanje izvršeno sa rokom za dostavu pisanih komentara koji ne može biti kraći od osam dana.
- (3) Imalac dozvole u roku iz izvještaja o nadgledanju otklanja uočene nepravilnosti i FERK-u dostavlja izvještaj o otklanjanju istih, uz prilaganje dokaza o preduzetom."

Član 5.

Član 14. mijenja se i glasi:

"Član 14.

(Odlučivanje FERK-a)

- (1) Članovi Komisije za nadgledanje izvještaj o nadgledanju sa zapisnikom i komentarima imaoca dozvole na izvještaj o nadgledanju dostavljaju članovima FERK-a na razmatranje bez odgađanja, a u slučaju da izvještaj o nadgledanju sadrži rokove za postupanje isti se dostavlja članovima FERK-a nakon proteka rokova iz izvještaja o nadgledanju, odnosno nakon prijema izvještaja o otklanjanju uočenih nepravilnosti podnosioca zahtjeva.
- (2) Na osnovu dokumentacije iz stava (1) ovog člana FERK može:
- usvojiti izvještaj, što se konstatuje u zapisniku sa internog sastanka,
 - donijeti konačnu odluku u formi rješenja o preuzimanju potrebnih mjera na redovnoj sjednici."

Član 6.

Član 15. mijenja se i glasi:

"Član 15.

(Sankcije)

Ukoliko imalac dozvole ne postupi po rješenju iz člana 14. stav (2) tačka b) ovog pravilnika FERK može:

- uputiti imaocu dozvole opomenu o utvrđenim nepravilnostima i odrediti rokove za njihovo otklanjanje,
- pokrenuti postupak izdavanja prekršajnog naloga u skladu sa krivičnim odredbama Zakona o električnoj energiji u Federaciji Bosne i Hercegovine,
- pokrenuti postupak oduzimanja dozvole za rad."

Član 7.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 06-13-5-1555-5/22

13. decembra 2022. godine
Mostar

V. d. predsjednika FERK-a
Mile Srdanović, s. r.

(SI-1730/22-F)

UDRUŽENJE POSLODAVACA FEDERACIJE BOSNE I HERCEGOVINE

2269

Na osnovu člana 137., člana 138. stav 2. i člana 141. Zakona o radu ("Službene novine Federacije BiH", broj 26/16, 89/18, 44/22) i člana 60. Kolektivnog ugovora za djelatnost drvne i papirne industrije u Federaciji BiH ("Službene novine Federacije BiH", br. 77/22), ugovorne strane:

NA STRANI POSLODAVACA: Udruženje poslodavaca Federacije BiH/Grupacija poslodavaca za djelatnost drvne i papirne industrije, koju zastupa predsjednik Pregovaračkog tima Udruženja poslodavaca Federacije BiH Suhad Ećo,

i

NA STRANI RADNIKA: Samostalni sindikat šumarstva, prerade drveta i papira Bosne i Hercegovine koji zastupa Lejla

Čatić, predsjednica Samostalnog sindikata šumarstva, prerade drveta i papira Bosne i Hercegovine

U Sarajevu, dana 02.11.2022. godine zaključuju

KOLEKTIVNI UGOVOR O IZMJENAMA I DOPUNI KOLEKTIVNOG UGOVORA ZA DJELATNOST DRVNE I PAPIRNE INDUSTRIJE U FEDERACIJI BiH

Član 1.

U Kolektivnom ugovoru za djelatnost drvne i papirne industrije u Federaciji BiH ("Službene novine Federacije BiH", br. 77/21), u članu članu 22. stav (2) iznos "2,90KM" zamjenjuje se iznosom "3,65 KM".

Dodaje se novi stav 3. koji glasi:

- "(3) U slučaju da indeks potrošačkih cijena bude veći od 5%, prema posljednjim podacima Federalnog zavoda za statistiku, strane potpisnice će pristupiti usklađivanju najniže neto satnice iz stava 2. ovog člana."

Član 2.

U članu 25. u stavu (1) riječi:

"s tim da satnica prije oporezivanja ne može biti manja od 2,31 KM." zamjenjuju se sa riječima "s tim da se satnica prije oporezivanja može umanjiti najviše za 20% od najniže satnice utvrđene u članu 22. ovog KU, a utvrđena niža od najniže plate na osnovu niže od najniže satnice ne može biti niža od najniže plate utvrđene od strane Vlade Federacije BiH."

Član 3.

- (1) Ovaj kolektivni ugovor o izmjenama i dopuni Kolektivnog ugovora za djelatnost drvne i papirne industrije zaključuje se u pet (5) istovjetnih primjeraka.
- (2) Ovaj kolektivni ugovor nakon zaključivanja objavljuje se u "Službenim novinama Federacije BiH" i stupa na snagu narednog dana od dana objavljivanja u "Službenim novinama Federacije BiH" a primjenjuje se od 01.01.2023. godine.

Broj P-543-1/22
02. novembra/studenoga
2022. godine
Sarajevo

Broj I-184/22
02. novembra/studenoga
2022. godine
Sarajevo

Samostalni sindikat
šumarstva
prerade drveta i papira
Bosne i Hercegovine
Predsjednik
Lejla Čatić, s. r.

Udruženje poslodavaca
Federacije BiH
Grupacija za djelatnost drvne i
papirne industrije
Predsjednik
Suhad Ećo, s. r.

(SI-1724/22-F)

2270

Na osnovu člana 137., člana 138. stav 2. i člana 141. Zakona o radu ("Službene novine Federacije BiH", broj 26/16, 89/18, 44/22) i člana 62. Kolektivnog ugovora o pravima i obavezama poslodavaca i radnika za djelatnost građevinarstva u Federaciji BiH, ugovorne strane:

NA STRANI POSLODAVACA: Udruženje poslodavaca Federacije BiH/Grupacija poslodavaca za djelatnost građevinarstva pri Udruženju poslodavaca FBiH, koju zastupa predsjednik Pregovaračkog tima Udruženja poslodavaca Federacije BiH Džemal Hasković, NA STRANI RADNIKA: Sindikat građevinarstva i industrije građevinskog materijala Bosne i Hercegovine, koji zastupa Murat Škamo, predsjednik u Sarajevu, Dana 08.11.2022. godine zaključuju